


鉅野縣志

十六

DS  
793  
S42C683  
1846  
V.10









鉅野縣志卷之十六

特調鉅野縣知縣星沙少棠氏黃維翰手訂

藝文志三

七言古詩

秋胡行

新增

晉稽康不附

富貴尊榮憂患諒獨多  
富貴尊榮憂患諒獨多  
人所懼豐屋蔀家人  
害其上獸惡網羅惟有貧賤  
可以無他歌以言之富貴憂患多

絕智棄學遊心於元默  
絕智棄學遊心於元默  
過而悔當不自得垂釣一壑  
所樂一國被髮行歌



和者四塞歌以言之遊心於元默

秋胡妻

新增見通志

唐高適

妾本邯鄲未嫁時容華倚翠人未知一朝結髮從  
君子將妾迢迢東魯陞時逢大道無艱阻君方遊  
宦從陳汝蕙樓獨臥頻度春彩閣辭君幾徂暑三  
月垂楊蠶未眠攜籠結侶南陌邊道逢行子不相  
識贈妾黃金買少年妾家夫婿經離久寸心誓與  
長相守願言行路莫多情道妾貞心在人口日暮  
蠶饑相命歸攜籠端節來庭闈勞心苦力終無恨  
所冀君恩即可依聞說行人已歸止乃是向來贈



金子相看顏色不復言相顧懷慙有何已從來自  
隱無疑背直爲君情也相會如何咫尺仍有情況  
復迢迢千里外誓將顧恩不顧身念君此日赴河  
津莫道向來不得意故欲留規戒後人

試貢士歌

舊志

宋王禹偁

天王出震寰宇清奎星燦燦昭文明詔令郡國貢  
多士大張一網羅羣英聖情孜孜終不倦日斜猶  
御金鑾殿宮柳低垂三月烟爐香飛入千人硯麻  
衣皎皎白如雪一一重瞳親鑒別孤寒得路荷君  
恩聚首皆言盡臣節小臣蹤迹本塵泥登科曾賦



御前題屈指方經五六載如今已上青雲梯列位  
諫官無一語自愧將何報明主應用非才但垂淚  
强作狂歌歌舜禹

見文鑑

以小團龍茶半挺贈無咎用前韻爲戲

黃庭堅

我持元圭與蒼璧以暗投人渠不識城南窮巷有  
佳人不索賓郎常宴食赤銅茗椀兩班班銀粟翻  
光解破顏上有龍文下碁局擔囊贈君諾已宿此  
物已是元豐春光皇聖功調玉燭晁子胸中開典  
禮平生自期莘與渭故用澆君磊塊胸莫令鬢毛



霜相似曲几團蒲聽煮湯煎成車聲繞羊腸鷄蘇  
胡麻留渴羗不應亂我官焙香肥如瓠壺鼻雷吼  
幸君飲此勿飲酒

見山谷全集

次韻晁无咎廖正一贈答詩

增新

黃庭堅

晁子抱才耕谷口世有高賢踐台斗頃隨計吏西  
入關關夫數日停車還封侯半屬妄校尉射虎猛  
將猶行間無因自致青雲上浪遊諸公見爵賞驥  
伏鹽車不稱情輕裘肥馬鳳凰城歸來作詩謝同  
列句與桃李爭春榮十年山林廖居士今隨詔書  
稱舉子文章宏麗學西京新有詩聲似侯喜君不



見古來良爲知音難絕絃不爲時人彈已喜瓊枝  
在我側更恨桂樹無由攀干戈風期初不隔獨憐  
形迹滯河山

魯直復以詩送茶云願君飲此勿飲酒次韻新  
增

宋  
晁補之

相茶真似石韞壁至精那可皮膚識溪芽不給萬  
口須往往山毛俱入食雲龍正用餉近班乞與麤  
官誠醜顏崇朝一盤坐官局申旦形清不成宿平  
生樂此臭味同故人貽我情相燭黃侯發軔日千  
里天育攻駒自汧渭車聲出鼎細九盤如此佳句



誰能似遣試齊民蟹眼湯扶起醉頭  
漸腐腸頗類  
他時玉川子破鼻竹林風送香吾儕  
幽事動不朽  
但讀離騷可無酒

鄧御夫秀才爲窟鼓題

新增

宋

晁補之

君不學馮驩彈鋏從薛公貨錢燒券悅市傭又不  
學魯連約矢射聊城笑夸田單取美名何爲空郊  
獨坐一茅屋深如魚潛遠蛇伏荒檐野蔓幽莫矚  
窺戶下投如墜谷其外桑麻雜蔬菽白水寒山秀  
川陸秋風蕭蕭吹苜蓿晚日牛羊依雁鷺朱書細  
字傳老子蝨穴蝸穿無卷軸我來不暇問出處但



愛君居伯夷築九月九日秋氣涼芙蓉黃菊天未  
霜登高能賦豈我長從君此菴時倘徉不用糟邱  
譏腐腸酒酣猶能歌楚狂我敬先生不敢量二三  
子者亦自強潔身亂倫非所望

和濟倅劉君

新增

金党懷英

川流爲緒鉅野濶水色天容兩開豁山隨水遠勢  
奔驚駿馬西來銜轡脫山前雲水散不收坐看水  
未來歸舟秋容澄明納萬象畫本寂然橫雙眸謫  
仙曾未釣烟磧想見夕陽寒影隻騎鯨去作汗漫  
游只有荒臺壓澄碧臺邊昨夜西風來倦遊羈宦



心悠或豈無瓊艘百拖載春色是中可以忘形骸  
官居得秋况不惡高飲何遽悲搖落君不見中郎  
詩翰憶湖山秋色正滿連雲閣

遊金山洞

嘉靖戊申冬  
新增

知縣

江廷藻

秦皇東狩幾多年避暑行宮此地傳若非鬼斧神  
輪力怪石安能萬竅穿恍如紫薇仙杖列六輔三  
嵎珠蟬聯又如太乙居其中祥雲彩電都迴旋懸  
崖百尺飛珠簾白虹長臥銀橋前薜蘿深處紅日  
小花落無痕口無烟石牀茶竈珊瑚枕祇好陳搏  
白晝眠夢裏曾逢姑射仙圍棋一局歲幾千任他



桃李迎風笑可與塵世爭鮮妍快樂人逢快樂天  
心自知兮口自言朱門軒冕探奇穴芒鞋藜杖空  
攀緣誰人學得無生術岐路蒼黃入桃源昔有神  
人陟其巔引年採藥袖翩躚到今脫下王喬履洞  
中丹竈猶依然跨鶴仙人今去也名題鴈堦鳥跡  
鐫自古神仙無妙訣悟真人得悟真篇

河渾渾一首

舊志

明黃哲

河渾渾發崑崙渡沙磧經中原噴薄砥柱排龍門  
環高絕華龍虎奔君不聞漢家博望初尋源揚旌  
遠涉西塞洄窮探幽討事奇絕云是天津銀潢之



所接葱嶺三時積雪消流沙萬派從東來東州沃  
壤徐豫之瘞懷山襄陵赤子爲魚沒鉅野朝涵  
孟諸下邑皆塗汙民不粒食鄉無廬桑畦忽變葭  
葦浮麥隴盡化龜鼉居宮中聖人方旰食羣公宿  
夜憂曠職星郎又乘博望槎西去盟津求禹迹始  
聞古道行千艘一朝勢轉纔容舸奔衝倏忽駭神  
怪淺不浮漚泥沒篙我上梁上望曹濮長嘆滄桑  
變陵谷萬人舉鍤功莫施猶疑宣防再興築宣防  
漢武威曷若堯無爲洪波闊九載端拱垂裳衣元  
主錫夏后安得辭胼胝龍門一疏鑿亘古功巍巍



巍巍功可成河水渾復清

見府志

秋胡行

舊志

張士淪

古人貧賤容易居今人貧賤生歔歔  
古人富貴不苟有今人富貴方相守  
陋哉桑下力田言國卿爲人詎必賢  
皎皎潔婦志靡慝素絲畏染貪夫前後  
來有婦不下機側目長跪黃金歸古人  
今人廼如此我咏秋胡嗟不已

見府志

秋胡婦

新增

無名氏

與君結髮爲夫婦君去宦遊宛邱下  
恩情五日別五年燈火寒窗幾長夜  
鶯聲春老蠶事忙攜筐亭



婦色華堂姑亡夫死涕浪浪總幃相向夜烏啼在  
甯易盡嫁衣裳婉容未辨却統扇湯羹不待小姑  
嘗人世遭逢苦難好新婦摧殘吁何早地天崩圯  
婦矢死家人挽之挽不止爲語前室遺藐孤前室  
之孤夫子侶新婦嗚咽話辛苦堂有伯叔上有祖  
孱弱育撫奚堪恃悠悠者誰薄心許含涕含笑尋  
白經鬼物敞罔泣宵寢嗟嗟婦子乃殺身巾幗勇  
士古成人古人芳躅訖如掃紅顏那肯燕門老君  
不見文茵角枕披重幄庾婦起喚江郎覺又不見  
朝別藁砧暮便嫁孤墳荒涼白楊下



吐菇行

舊志

田惟曙

夷齊節義從來稀登彼西山採其薇一朝輟薇隨  
化盡至今千載揚其輝古稱忠臣爲君生視死嗟  
嗟妻之於夫亦如此妹今眞稱女丈夫吐菇頗與  
輟薇似吾於吾妹生平無重陳但知節義於人自  
有眞此身原自屬于郎于郎一死已無身無身於  
物復何有菇菜那能悅吾口吐之郎死菇亦死哀  
哀苦心人知否英魂渺渺下大荒新墳戔戔接首  
陽墳土連理樹化爲雙鴛鴦搃吭交頸綺翼張夾  
道蕭蕭鳴白楊君不見買臣生妻求去日朝爲糟



糠暮拋擲如此夫婦復何益

孤鏡篇

有引舊志

田惟燦

妹氏夫死爲治後事並自治其後事語侍兒曰吾死以鏡殉卒如其言余哀之作孤鏡篇

十五嫁於郎比翼雙鴛鴦忍見孤鸞踽踽獨徬徨  
菇菜采且滑那得大剛腸吐菇示父如吐心人有  
一死死何妨咄嗟玉鏡臺菱鵲黯光芒嫁時故物  
從北邙要將一片心化石圓與方石鍊晶瑩上補  
天此鏡行天月月光諸公詩柏舟吾妹節挹梁鸞  
塚增高蒨水長

瑞麥嘉禾吟

舊志

張朱明



君不見漁陽太守張堪麥雙秀分芒相絡繹又不  
見中牟仙吏魯恭禾聯跗共蒂兩婆娑奇蹟當年  
各一雨千載猶能馨青史何況如今一歲中豬漬  
次第兒芳叢翠浪重重翻夏日金莖落落皤秋風  
猗嗟靈物豈徒然爲有神君是呂虔當衙必韻流  
焦尾行部潘花照錦韉瑞鳳祥麟公可伍休徵所  
以致阿堵願得令公常似公何愁穀賤不如土

秦洞雲霞

舊志

陶性

幽然澗深溝如水浪說秦皇來避暑頭會箕歛若  
炎蒸斯民難逃將安處洞中雲霧思悠悠洞口泉



源放碧流主人一笑風瑟瑟何地秦王土一邱

殷聖忠祠

名祠烈烈繫雲端曾奮孤忠鉄石寒義重商宗慙  
首白刀開七竅露衷丹由來義士殺身死至今忠  
烈照青史更深燈火望中明偃臥黃昏應抱恥

瑞麥嘉禾頌

舊志

李三友

野有麟兮麟有角麟角雖可珍何如一莖雙穗麥  
與穀穫之穫之萬民無忸腹矯首頓足何以爲祝  
豈弟君子萬年遐福

野有鳳兮鳳有翮鳳翮雖可珍何如一莖雙穗穀



與麥穫之穫之萬民無菜色舉手加額何以報澤  
豈弟君子斯男則百

秦王洞

新增

劉希禹

秦王幽洞開金嶼驟鳳馳鸞結仙侶繚岸清風襲  
座涼寒泉滴滴清襟暑

紫苔綠蘚映斜暉樹古螭懸蔭覆稀洞天寥寂人  
何在金碧唯堯空自巍

鄉賢祠

新增

國朝知縣

張國運

鳳爲翥兮麟爲遊渚水環抱金山頭水秀山明春  
常在鳳麟協氣足千秋



鬱金和酒瑞露香  
爐烟飄渺西風涼  
躬隨此地承殷薦  
夢逐白雲意更長

贈鉅野令尹章君

舊志

本朝

于傑

魯城西去列邦分  
中有賢人政不羣  
昔曰循名傳卓魯  
今時良吏屬章君  
章君本是燕山彥  
八載麟州民戀戀  
臺省諸公刮目長  
予來佐郡初相見  
咳唾塵埃珠玉生  
指揮天地風雲變  
與予同事共從王  
胸有經綸行有方  
識君才大人難冀  
盤錯益能顯利器  
識君德厚更無涯  
拯活災黎千百家  
意氣廣孚及四表  
交友幾人如管鮑  
黃金結客世間情



似青松寒歲好今值仲冬葭灰飛君向高堂舞綵  
衣七子聯輝繞膝下問年伯玉已知非家庭此日  
有餘慶父老壺漿攜轉盛甘棠之愛在千秋何必  
蓬山尋仙境君不見世上紛紛多腐儒爲官不肯  
勵廉隅聲名民滅身還辱安能廊廟濟匡扶  
君王他日求良弼願以章君效區區

贈鉅野章明府

舊志

陳克廣

昭王市馬築高臺自古燕山多異才君昔少年重  
意氣許酬知己不疑猜五侯七貴爭相慕一諾千  
金同季布有日嘗過劇孟家有時亦入章臺路章



臺走馬逞風流豪傑本來行不傳幾處顛危身轉  
泰幾年忠信爲人謀風塵廿載長安道冠蓋交遊  
斬草草膠漆雷陳只數公蕭朱隙未寧終保幡然  
不肯戀京華且向河陽來種花舊日豪風指棄盡  
新看循績密桑麻戴星而入戴星出勤政廉風難  
具述蒲邑中牟庶並名西魯東齊推第一頌聲滿  
道不能磨膏澤沾濡七載多行客試從豬澤望

宸碑

聖殿兩巍峩予昔忝君金蘭誼嗣佐曹南分  
半刺仁政德來實飽聞引將隣照規同事比予讀  
禮欲還鄉鄉路迢迢阻且長感君念舊招邀切盡



室遷居在化疆有屋不須營  
僦直無粟這能致飲  
食稽古真堪續美談  
論時若箇同焚則今  
歲君年  
半百初官貧德富樂  
何如素餐負職常常  
見滿世  
可憐枉讀書

殷烈婦

新增

恩貢

田華壩

不爲懿行口碑傳  
豈憂慘遇正青年  
夙昔常守閨  
閣訓此時惟悲失  
所天倘能齊眉逢  
地下或可相  
敬如生前同室同  
穴情無別匪席匪  
石意難遷孤  
燈明滅誰告語  
細雨黃昏涕潸然  
萬端勸說徒曉  
曉因惜微軀一朝  
捐吾稽往牒每流  
連巾幘完人



相後先奉侍裙屐代子職熊羆字啟後賢中有  
烈烈殉節婦磨笄山下草芊綿更有純一不貳操  
化石望夫暮雲邊死生辛苦雖異致金石哀懷總  
同堅尹媿寥落古道渺咨嗟常吟彼都篇茲於陳  
門重覲止里巷歔歔塗路憐我亦始聞心惻惻繼  
而欽企開愁顏振厲哀風挽頽俗扶植綱常疇比  
肩永留正氣光日月大野爭看婺星懸

殷烈婦

新增

舉人

田果

人生自古誰無死取義成仁皆在此從容慷慨兩  
同歸凜凜節義昭青史自從閨閣有傳人大義捐



驅難屈指雙飛不效鏡底鸞一心都作井中水秉  
性堅貞不可移始知巾幗勝鬚眉江山靈氣有蒼  
萃到此方知鍾毓奇奇事相傳驚相語陳門有婦  
殷家女夫亡匝月誓相從夜半投繯輕一羽九原  
之下應相見夜臺風雨寒侵面執手重逢語未終  
人間地下悲無限憶昔深閨禮儀諳于歸數載德  
無慚堂上承歡遵女教閨中雅操詠周南豈意夫  
君竟不祿拆散鴛鴦成寡鵠此身不作未亡人三  
更夜靜昏無燭是時星漢正茫茫冷月無光斜掛  
屋黃泉有路許同行以死殉夫死亦足高高節可



比松筠朗朗光能照珠玉鄉里獻歛塗路歎獨振  
衰風挽頽俗作詩敢俟采風採志節如山終不改  
世間束髮定何人蛾眉獨可傳千載吁嗟乎蛾眉  
獨可傳千載烈婦一死名常在大野高懸婺女星  
當天灼爍生光彩

盧雅雨先生葺刻山石詩疊韻贈之

新增

傅爾德

陵州曲陸河流長文士多登大雅堂侍御世家倍  
奇偉千年文獻織錦腸雅雨先生嗣作者捫腸萬  
卷星雲將鄉國遺編供採擇皎如秋月澄寒塘爬



磨拂拭晶瑩出部勒鈞畫旌旌揚在田自昔有述  
作大將旗鼓世莫當秋谷分鑣臭味合後人妄將  
門戶張同室無端弄戈矛腹心潰裂鮮不僵先生  
此編化競矣如披清風亭閣涼從此俎豆仰前輩  
弭首帖耳樽罍旁奇正兼取眼界濶張脉不作筋  
骨強媿我綿力常搜索思挽橫流宗老蒼先生此  
舉無遺憾人心同然我亦頗年來饑驅走趙魏邗  
江道遠烟水茫檠戟重謁又七載開卷真逢歡喜  
場好事總欲參片語把注難窺東海洋惟應乞取  
數編去遍揭芬馥河濟陽無復耳食說流派戶安



絃誦汲古忙文章由來能善俗聖全推廓功難量  
天日清霽好風吹捲簾坐對言欲忘

爲姚誼繼妻魏孝婦作

新增

姚用錫

我族之孝婦魏氏之賢女女本農家不知書大義  
曉然堪與語遇姑垂老病經年湯藥日侍同室處  
屢奉甘旨多珍饈咽下有如粗糲茹籲天求代天  
不聞自剝臂肉烹日煮連進一器美非常疋羸振  
起沉疴去洵哉至孝能通神女中丈夫誰其侶宗  
黨稱頌彤史傳容臺會以孝行舉

贈節孝朱母孔太夫人

新增

舉人

李敦



勝國未造委兵烟節烈爲稱忠憲賢攜手平原日  
月古英魂不共鐘簷遷大義炳炳二百年有人繞  
朝贈以鞭詎知節義繼其美猶在君家閨閣邊憶  
昔副使老孫子披易得象鼎趾顛弱息二月呱而  
泣乘鵲忽到緱山前臨別欲話方纏綿曰惟世家  
一絲延上有庶姑下有子卿乎於此何辭焉泰山  
之生鴻毛死孤餐冰蘖四十年東廚炊爨謹中饋  
北堂甘旨開綺筵丸熊畫荻心悃悃膝下哀慕留  
青氈令嗣今作華國器天之報施亦宜然君不見  
黃河急湍來自天城頭懸之氣聯忠臣子孫日



挺特節孝門第輝山川

邑侯黃少棠父師重修邑乘歌以志美兼頌德

政新增

進士 姚體儼

古來吏治兼文章著書有若培甘棠豈以修綆侈  
淵海拾殘補墜皆鴻綱吾邑有志二百載當時作  
者頗稱詳自閱星霜此事廢坐令麟鳳無精光我  
公今世潁川守統該竹素凌班張下車訪故再  
三嘆輒思尋軌通周行是時下民未蘇困跂足延  
脰期小康公手一編治縣譜先爲百里廻春陽  
地卑戶窮舊難理星擘月畫敦農桑休和蒸破足



嘉瑞雙歧連穎登秋塲犢劍牛刀樂復樂向來瘡  
痛今則忘畫烏垓邊桴鼓靜鳴琴庭下清風涼刑  
靖事約百廢舉爰撫斷簡細縹緲念曰綦難公

曰易部分鈞勒旌麾揚心印水壺手玉尺公明裁取

無低昂搜訪逸落逮窮陋幽潛同日生輝芒頗聞

古重元和本分志郡國多參商近代對山稱傑作

武功簡貴猶偏長公從何處得史妙濡染大筆

爭琳琅龍門體例扶風法卓哉鉅典垂煌煌自愧

下里俯斥鷃爲因公事躋公堂肅濯薇露再拜讀

乍如暑渴傾天漿盛事總思附雲効涓滴難裨千



頂洋秋成歲熟禾黍美願從民吏稱兕觥

瑞穀雙歧詩

新增

舉人

姚體備

邑侯黃少棠父師下車後勞心撫字勸課農桑  
歲連稔人安樂之邑西畢家海得嘉穀雙歧詢  
之邑人則自侯下車雷封百里疊觀茲異茂  
哉膏渥物阜地獻其寶真  
聖朝之美聞令尹之光華也可以頌矣輒貢俚言  
用塵慈照侯方纂修邑乘庶幾銀管之華  
不陋芻蕘之野他日  
日信史有所據云

東鄰歛簫西鄰鼓白眉歌  
黃童舞嘖嘖足起禽  
言懽呼向社南咏棲黍諸福衆祥趨太平  
靈苗湛露搖光晶  
穉如仁木連枝結根儼嘉瓜並蒂生  
我聞成周歲大熟異畝同穎獻唐叔王誦歸美公曰



讓歸禾嘉禾照人目又聞元和勵治年武安瑞穀  
上東川有麟來食環羣鹿光彩璘璘紛若仙卽今  
雙甲含秋實金穗影交風瑟瑟櫛比香莖臭味聯  
精瑩珠顆排編密野人創見喜舞眉麥秀漁陽應  
共奇不信張璠爲政好試看民樂已難支來獻公  
堂佐稱兕滿堂動色頌不已我侯爲民進一觥  
甘雨和風壽

天子史草詩囊早散衙瑞圖寫出函民家研硃更勘龔  
黃傳不數河陽一縣花

七言律詩



書王元之畫像則台丁共四

宋歐陽修

偶然來繼前賢迹信矣皆如昔所言諸縣豐登少  
公事一家飽暖荷君恩想公風采常如在顧我文  
章不足論名姓已光青史上壁間容貌任塵昏

和晁同年九日見寄

宋蘇軾

仰看鸞鵠刺天飛富貴功名老不思病馬已無干  
里志騷人長負一秋悲古來重九皆如此別後西  
胡付與誰遣子窮愁天有意吳中山水要清詩

讀書有感

宋晁補之

當年有志惜分陰螢雪工夫著力深一日折腰賦



歸去幾回抱膝自長吟春風難夢池塘草夏日還  
思松竹林近喜絃歌聲頗密頓教惹起讀書心

家居有感

晁補之

擾擾風塵五十年虛名何事苦相牽江南瘴霧埋  
炎日塞外塵沙障碧天見說奸貪頗感額每逢忠  
孝重加憐老來世事渾無意曉日高高正獨眠

寄金鄉張贊善

合下共四  
首皆舊志

宋王禹偁

年少辭榮自古稀朝衣不著著斑衣北堂侍膳侵

星起南畝催耕冒雨歸種竹野塘春筍脆採蘭幽

澗露芽肥伊予自是徒勞者未得回尋舊采薇小畜



集

芍藥

王禹偁

東君留著占殘春  
得得遲開亦有因  
曾與掖垣留故事  
又來淮海伴詞臣  
日燒紅艷排千朶  
風遞清香滿四鄰  
更愛綠頭弄金縷  
異時相對掌絲綸

曹州呂太守

宋陳師道

往生三呂共修途  
擬上青雲近玉除  
中道勒回犇電足  
今年還直邇英廬  
縱談尚記華嚴夜  
枉道難回刺史車  
乘興寬爲七字句  
逢人聊代八行書

先少師宣和初有贈晁公以道詩奴愛才如蕭



穎士婢知詩似鄭康成晁公大愛賞今逸全  
篇偶讀晁公文集泣而足之宋陸游

仕不逢時勇退耕閉門自號景迂生遠聞佳士輒  
心許老見異書猶眼明奴愛才如蕭穎士婢知詩  
似鄭康成早孤遇事偏多感欲續殘章涕已頽

御製旌烈女張氏

萬歷間

未謀夫面繼夫亡不比尋常烈女行白首尚難全  
晚節青年誰不惜春光名留天地乾坤老骨葬山  
河草木香朕淚豈容隨處洒傳流萬古振綱常

開河迤南卽事

合下共三十  
五首皆舊志

明詹翰



憶昔長垣昏墊日曾經沉璧莫張秋梁山忽斷陶  
祥路鉅野還浮曹濮舟千里兆民今底定十洲麥  
隴近全收黃陵岡塞河循舊黑馬溝深水自流

獲麟古塚

宋 滄

傳聞此塚埋仁獸不見麕麕見野花微在玉書歸  
闕里仲尼鍊筆遍天涯魯人徒自憐麟趾周室何  
能制太牙掩袂不緣吾道痛試將此意問名家

落鳳遺臺

鳳去臺高幾夕陽每來登眺倍淒涼周人社屋無  
雕黍魯叟壇荒惟白楊二水三山懷李白九苞五



彩憶軒黃旋沽斗酒臨江飲一曲哀歌類楚狂

梵塔朝暉

高塔凌空鰲柱撐健登絕處大書名禪房花木鶯啼迅魯郡山川日照明萬里風雲飄兩袖五更燈火見重城憑虛欲擬朝雲賦恐墮瞿曇瓦礫聲

蓮池夜月

澤畔風吹起白沙笙歌兩部斷鳴蛙雨師容易浸成蕩龍女每常放出花十里紅香浮晚渡一輪水彩觀晴霞夜深漁罷人歸後睡覺猶疑唱若耶

昌城烟雨



昌邑城邊幾度過不堪回首聽途歌衣冠已見明  
時久故老猶傳漢事多漠漠暮雲迷鏃騎芊芊秋  
草沒銅駝河山一統期千古滿地耕鋤雨一簑

秦洞雲霞

聞說秦皇避暑年萬幾不事曰高眠洞深霞碧苔  
侵座閣小雲涼石逗椽白兔走時回王氣黃金鑿  
處溜寒泉漢家司隸多知事更有山南種墓田

殷聖忠祠

虎豹重閭大力推忠言寧畏殺身媒脛當斷處尚  
何忍心到剡時更不灰墓道姓名高似斗祠堂風



雨響如雷至今麥秀纖纖地猶有英靈口往來

彭王釣澤

垓下違盟是禍胎青衣西下爲誰來甘將一味鮑  
魚腹誤入諸侯菹醢盃沙烏憶人空下淚冥鴻將  
子謾生哀功成更笑韓元帥不逐烟波玩釣臺

梵塔朝暉

馬文健

浮屠築塔自何年深鎖煙霞勢若穿光映扶桑連  
出日影隨埤堦壓晴川巢鸞戴月鳴仙語茂薛牽  
風接洞天誰信登高能作賦揮毫長爲彩雲篇

蓮池夜月



十里城陰泛彩波長空竟晚見婆婆澄潭露浥千  
秋鑑錦鯉風穿五色梭玉魄照殘君子質香颺送  
斷美人歌重闌玩賞登瀛客共指涼霄見綺羅

殷聖忠祠

斜陽勒馬度平沙殷聖祠堂聽暮鴉鍊石有心甘  
白刃冠袍無語對閑花爐烟縹緲冲霄漢廟貌煇  
煌襯晚霞誰植簷前松柏老年年掛月透窻紗

彭王釣澤

一竿流水浸漁磯日夕英雄釣才歸暫逐煙波餘  
旅食旋依雲雨駕龍飛有緣早赴滎陽約無計速



馳核下園可愛功成心戀主輕車不肯適青衣

蓮池夜月

鄭堯齡

大埜猶平舊有年獨留池水浸城邊清風屢送金山月良夜新開玉井蓮笑隔花間遊女夢採堪江上古人憐從來蘭澤多芳草得似華陽卞丈鮮

梵塔朝暉

古塔嶒峻複道蟠重重高閣護朱欄朝暉山岳當窻見夜靜星河接檻看四壁祥光連大野中天紫氣逼長安憑高引眺情何限幾欲凌空振羽翰

獲麟古塚



細草平鋪十里茵遙看高塚臥麒麟東行此日經  
過近西狩當年感慨真村落幾家雞犬舊郊原四  
野黍禾新鉏商歸魯今何在留此芳跡春又春

殷聖忠祠

廟貌端嚴氣象森忠賢遺像肅冠簪三仁共效安  
邦計七竅能披報國心細草階前鋪翠色黃鸝枝  
上弄清音村翁伏臘盤桓處淒斷高城日暮砧

秦洞雲霞

祖龍歸去入秦中避暑何年尚有宮石洞可如函  
谷固山樓何似阿房工夜深澗水涵明月日暮溪



金里縣志 卷一  
雲逐晚風招隱卜居會此地青青槐桂滿芳叢

彭王釣澤

彭越微時買釣舟少年相聚共遨遊月明深夜舟  
猶泛雪滿長空釣未收謁漢提兵都將帥封梁秉  
鉞冠王侯回看澤畔行吟處遍野蕭蕭蘆荻秋

落鳳遺臺

落鳳何年尚有臺登臨懷古意悠哉不緣羸女吹  
簫至肯爲符堅植竹來幾樹名花新疊翠一行細  
草半侵苔憑高載筆思楊勵作賦慚非大酉才

昌城煙雨



烟籠竹徑晚雲低到處清尊可杖藜雉堞故飛昌  
國舊衣冠猶似漢京西枝殘古樹惟鴉噪草長芳  
郊有馬嘶極目不堪懷古意滿天明月照長隄

雨中過麒麟塚

手若癡

崔嵬麟塚舊城隈覽古憑軒一慨哉物色千秋空  
畫閣精靈此處已荒臺寒烟滿地蘼蕪合落日半  
天風雨來惆悵移時更東望防泥不見使人哀

登金山洞四首

呂鵬雲

鑿山爲洞屬何年怪石崢嶸四閣連風度懸崖如  
噴雪雲開邃室迥藏天振衣想見獲麟後覽勝轉



恩逐鹿前一自秦皇傳駐蹕清涼別景尚依然

古洞陰森冷不禁祖龍曾此翠華臨廵方王氣空  
瞻眺跨世雄風已陸沉避暑片時應自適坑儒當  
日是何心盤桓更欲論劉項千古悠悠寄慨深

古洞幽然古剎傍到來伏暑亦生涼泉鳴似覺風  
敲玉花發渾疑秀吐香白兔祇應傳漢史黃泥不  
復控秦梁攜尊更上高巖望咫尺卿雲是帝鄉

萬仞丹梯一徑分望來大野正氤氲山光白映滄  
溟月洞靄青連岱嶽雲何處樵歌天外度幾回梵  
響坐中間登臨幸際熙明日漫撫絲桐送夕曛



瑞菊二首

呂封齊

數枝一本發寒叢，點綴殊顏自化工。  
檻外金莖晨曉露，籬邊玉蕊戰秋風。  
爭如菊蕊英華異，得似荊花臭味同。  
已負名園重九約，特將銀鹿寄詩筒。  
瑞菊名園九日逢，時開黃白共根宗。  
方看繁出金人掌，忽訝妝成玉女容。  
秋色平分霜翰勁，晚香各抱露華濃。  
同心花萼堪相許，一任瀟瀟風雨重。

咏瑞麥

呂成樂

叢麥纖纖竟畝長，同根並蒂表禎祥。  
浪排晴靄齊翻翠，穎倚薰風共帶黃。  
寧數金芝誇爛熳，却先寶



金里縣志  
卷一  
鼎薦芬芳怪來重觀漁陽瑞花縣於今棲鳳凰

咏嘉禾

湛露秋香萬籟清玉穰風颭亂縱橫種傳千里靈  
根渥異比中牟瑞景并青史幾聞書協穗蒼生今  
喜獻同莖有年自是循良應還報聯芳棠棣聲

吾邑二首

田疇

大野名從禹貢傳砥塘郡縣自秦年西行赤帝金  
戈入東渡

八玉璽還兎徑縱橫麟偃息雀城縹

緲鳳踟躕登臨俯仰悲千古犧塚農祠並眼前

荷陽草色鹿胎青極目東看翡翠屏十藪古今連



大埜兩臺南北出咸亨施檀寶刹春相麗函苔金  
波夜不高舊冶龍山騰萬馬可知天上屬房星

殷聖祠

比干祠傍北家村異草無心古木髡尼父銅盤迷  
近遠龍逢金闕亘朝昏寸丹欲吐非關剖七竅從  
觀祇自捫民社幾更栢與栗依然明水薦湯孫

金山洞

田 戎

雙崖誰擘峭於裁人道秦皇避暑來二酉分藏從  
地折五丁餘力借天開涓涓靈液懸清溜漠漠寒  
雲擁碧苔極目岳光搖海色可知有路向蓬萊



黃土岡還若有情曾恭會此卜幽盟虛傳白兔洩  
靈氣贏得金牛紀勝名水咽秦梁迷野渡烟消漢  
邑隱荒城仙人舊是還丹處瑶草年年頂上生

嘉靖丙寅季春以公務之魚臺縣順陟金山遊

避暑洞因紀其勝

新增

知縣

陳光世

雪波

紫迂飛輓過魚臺老衲迎予涉勝嵬麟渡遙憐雄  
魯往暑宮偏向此山來舉頭紅日天顏近滿眼長  
春徑色開千載石林仙洞在晴雲日日鎖春隈

隆慶己巳季春望日同杭廊齊堯回過此睽會

川合下共七  
首皆新增

張廷佐



生平痼癖愛探尋乘興登臨石洞深雲霧不封渾  
黯黯藤蘿謾合自陰陰山靈曾現黃金瑞故老猶  
傳翠輦音何幸清涼庇天下免教憔悴抱呻吟

馮秦皇避暑洞

陶唐佑

秦王駐馬紫雲峰草媚山重谷應聲水閣霞流冰  
簾冷石廊風軟玉簾清雙崖月瞰千簷曉一逕天  
摹萬戶仍真箇此中含造化不然冬至更春生

遊金山洞

崇禎知縣汜南井

濟

千尋石壁闢山巔古洞閔深別有天謾說祖龍驛  
滌暑還疑鬼斧示幽口泉穿石罅飛瓊屑草覆巖



金華集卷之十六  
隱鎖碧烟清景從來留勝跡  
羸秦口口是何年

過秦皇避暑宮

王士性

驅鐸何年到海東殘山未斷有行宮  
恍凭鰲極神工盡已細黃泉地脈空  
拂石不妨移御苑披襟誰與共雄風  
茫茫王氣咸陽遠鉅野寒沙落照中

遊秦皇避暑宮

邑廩生 劉希禹

烈眺當年邏巡行朱秀思避洞金京  
嶢嶠石闕雄阿閣硤礫雲崖壯塞城  
魯匠有能雕構苦楚人無計燼灰傾  
負今響答聲如襲疑是山靈向客評

遊秦皇避暑洞

宋承勛



巾車載酒任遨遊，滿壁蒼烟石磴幽。  
古洞穿雲噴亦雨，寒泉瀑布放還收。  
心頭玉屑憑吞吐，天外霞光自去留。  
老戰不知神力倦，揮毫弔古意悠悠。  
岩竄金嶺此登遊，石徑盤紆晚更幽。  
酒滴懸流丹洞口，天分峭壁白雲頭。  
尊前夜色千巖暝，樹底風聲萬壑秋。  
一臥禪房塵夢斷，人寰仙境兩悠悠。

遊秦皇避暑洞

林陵  
武位中

選勝探幽興不窮，松蹊石磴捫蘿通。  
琴鳴漢祖停車地，酒泛秦皇避暑宮。  
絕壁插天星斗宿，陰房當夏雪霜蒙。  
英雄空自焚書盡，翻惹詞人笑語工。



登魁樓

台下共十七  
皆舊志

謝崇質

城上高樓四望開  
登臨此日獨徘徊  
蒼烟漠漠迷麟墅  
芳草芊芊遶鳳臺  
璀璨魁光搖五岳  
葱蘢佳氣燭三台  
躬逢仙令崇文教  
喜見羣英奪錦廻

弔張貞烈鄧子二首

有序

李士瑜

貞烈余同學在祿兄冢嗣婦也其冢嗣伯繡君病革貞烈固以死殉母姑憐而悲之食息共焉近三越月未有間也伯繡君茲且日月有期貞烈度其終無可如何哭辭疎其防投纆死之予多其義哭之以詩余于若翁蓋益有重我嘆息流涕者矣

采薇義節曾聞矣  
投纆烈貞今見之  
自是女流仍骨性也  
知吾道未陵夷  
百年忼憤生難挽  
三月從



容死不移感法風簷冷夜月敲冰和淚寫哀辭  
伊昔若翁研席時讀書每共古人期多翁家難勇  
揮刃慙我時艱但賦詩最是死生同跼蹐何言志  
氣信鬚眉翁家子婦能如此教子刑家慰所知

廬居草

李士瑜

曾爲子息屬長年今日回頭淚血濺已負生成輕  
斷決忍爲兒女重周全毀形勉歆三時粥支骨還  
從五夜眠惆悵西風鳴墜葉秋高賸有白雲懸

送大維章明府之鉅野任

國朝

查昇

聲名久壓朔庭空早試烹鮮製錦功



天子獨知元德秀居民引領冠巴東玉壺清貯三年  
水紙閣閒留一榻風別後琴歌如有暇相思頻寄  
北來鴻

大維章明府捐修文廟準曲阜制厥工甚鉅告

成後適與滋陽王奕史明府經此偕往恭謁

學宮修後一時登賢書者四人聯捷者一人  
其大成殿週遭俱用石柱宮旁有講堂前立

碑亭士民公鑄  
御賜明府詩字在焉

周翼

闕廟同規妥聖神煥然文物一時新入瞻泮壁

松陰古拜向堦墀像儼真塔映奎光城不夜石磐

雲氣殿生春雙碑紀盛宮牆側講座還看



御碣陳

鉅野野望

倪峽

連雲積雨魯西偏  
大野重豬陸作川  
到處船旌臨  
水岸幾家烟火上  
山巔流離未必皆  
天意撫戢須  
知在吏賢聞道

恩綸勤補求司農  
切莫惜金錢

乙酉元日登金山

人間元日頌椒花  
山上行宮禮碧霞  
解凍流泉迎  
澗出穿林石徑帶  
峯斜清虛只擬來  
三島遠近真  
堪眺萬家路柳園  
梅春漸動風光無  
復念天涯



丁亥元日登金山

仙子行宮殿閣新歲朝瞻禮喜多人賢侯七載功  
培厚善士千鄉志感均峯影出雲疑入漢樹株夾  
道盡含春不須蓬島求真境已隔人間千丈塵

陪謁文廟周子匡鄰有作依韻奉和

獨於聖域萃精神七載工成廟貌新闕里齊規功  
豈易諸邦無比見尤真儀型聞篤同官志教澤想  
垂萬世春謁罷宮牆瞻石碣更欽

宸翰近前陳

送邑侯章公攝汶篆

李敦



幔亭仙樂遲行車帝遣雙鳬擁絳霞民力相於東  
野御宰官應有葛洪砂卽看呪虎與馴雉自供秬  
田兼種花何處重歌清德顯樂平城外蜀山涯

贈邑侯章公

侯士駿

幾年光霽立程門坐臥春風笑語誼人頌飲冰眞  
白傳我懷懸榻過陳蕃才當盤錯皆心折地累凋  
殘賴手援褒德由來稱茂宰黃金曾見下

殊恩

贈太學生姚伯潔

章宏

鉅邑文廟告成諸紳彥皆有功焉然首其事  
肩任者尤以伯潔爲最其苦心勞力有廟成



與俱成廟不成則不生之勢念其志行不可泯滅詩以贈之

夫子宮墻幾百春摧頽惟爾最傷神儒生傾橐能行義嗣子承家亦重仁謁蹶徵材如履筭經營苦志誓忘身麟川此日多名彦翊聖功推第一人

何子縉民部重過

賦贈

危處謀安本近仁當年共事恤灾民千鄉不獨思遺德三載還能訪故人瀦澤重瞻顏尚舊平原十日興猶新歲寒舊訂青松約此別無須淚濕巾

大成殿告成

爰念司事之功賦詩書贈陳子雨

選彥金閭舊有聲聚星世業已難京心期澹漠原



無事世態紛華不問名爲愛宮牆崇廟貌時從陶  
冶費精誠儒林他日長瞻拜應卜君家玉樹榮

上井嶼父師

安舒 邑人

名芳久應到籠紗盛際中原諒萃華驚句練來呈  
綉錦健毫揮去走龍蛇清風夜內衙無鼠化雨春  
時縣滿花冰似素心塵盡掃成功治譜舊傳家

獲麟臺懷古

李兆隆 邑人

當年西狩獲麟地絕筆曾深尼父憂大義微辭垂  
宇宙荒臺古木自春秋禹功鉅野桑田變管業小  
匡石火收此日登臨無限恨空餘暮靄接荒邱



雨霽遊金山秦皇洞

合下共六十  
一首皆新增

康熙邑侯

耿禎

祖龍遺洞倚雲開  
步履春風選勝來  
荷澤東流元  
顥濠焦山旁列  
亦崔嵬  
幾年綰綬慙爲令  
此日分  
閒倩舉杯  
好是麥皋新  
雨霽  
青青極望起裴回

贈節孝朱母孔太夫人

李敦

天雄副使許張度  
奕葉猶傳女丈夫  
廿載芳菲春  
夢破百年志氣日  
輪孤網常亘古  
山爲鎮宗祏於  
今草姑蘇似此  
奇操光乃祖  
褒書一樣下庭隅  
物換星移任指彈  
殷勤爲備小熊丸  
心憐幽砌霜



常滑目送崇岡土未乾高節深閨清簪金芳名彤  
史馥梅檀卽今荆玉家門慶莫道羊腸路出盤  
松筠一經雪霜中四十年來節義同天地無情生  
嫩草春秋有淚響飛鴻養孤猶似夫君在教子方  
稱婦德終爲看廬陵家世好滿庭霽月又光風

節烈盧象龍妻謝氏

舉人馮鳴岡

追憶當年涕淚流捐軀慷慨幾春秋愴懷孀母恩  
難割慟念亡夫義不留大節能昭千載鑑貞魂常  
結百年愁歎門請問吾鄉老恐聽芳名竟隱幽

殷烈婦詩

恩貢田華壩



名流取義在心安  
黛髻閨中致命難  
豈少機刀鋸  
似孟惟憐裙布短  
如桓樓間鳳去簫聲斷  
月底鸞回鏡影寒  
漫說共姜傳雅操  
未亡猶似一人單

齊眉盛事古今傳  
况復貞媛矢志堅  
總帳未收黃蠟淚  
彩鸞促馭紫雲邊  
亭亭勁柏鳴秋雨  
落落斑筠冷暮烟  
贏得芳名垂宇宙  
真純端可重彤編

麒麟臺弔古

李應朔

吁嗟昔日有遺臺  
今日麒麟安在哉  
南望金山紅樹裊  
西聯鳳址白雲開  
曾聞吐玉先時到  
不際重華爲底來  
禾黍油油千頃是  
一任苦雨洒蒼苔



遊金山

邑侯王發越

英和

選勝名山友共邀賞心未覺馬蹄遙桃園雨霽通  
蕭寺瀦水煙深鎖斷橋幾曲松凹陰寂靜千層石  
級勢宕窵到來早已消塵慮何處仙風送玉簫  
嵐光層疊映麟臺曲徑通幽印石苔翠障煙蘿空  
際裊碧霞宮殿畫中開斜穿嶺樹看雲生小酌山  
亭待月來短笛一聲臨絕頂此身恍似到蓬萊  
始皇避暑是何年古洞遊來別有天石室削成疑  
鬼斧秦梁駕處想神鞭影留峭壁明斜照響滴空  
巖瀉碧泉細讀殘碑尋舊跡呼童剔蘚幾流連



儘日登臨愜素襟  
棲鴉數點返幽林  
依窗小憩留僧榻  
柏檻高歌間梵音  
五夜長鐘驚客夢  
半庭殘月靜禪心  
年來久負青山約  
漫寫閒情寄碧岑

恭步英齋父師遊金山原韻

庠生

魏杰之

山僧攜酒欸相邀  
前認峯排午午遙  
雲氣溟濛封漢柏  
霞光閃灼射秦橋  
禪房小坐心如洗  
畫閣平臨勢自堯  
隔院鳥聲歌不斷  
好將清韻和清簫  
築成藝苑數層臺  
樓閣崢嶸點翠苔  
佇看泉光穿徑起  
知從文運白天開  
閒雲當戶乘風起  
野鳥迎人帶月來

一枕嶺頭眠未覺  
恍隨仙蝶到蓬萊



古洞傳來不記年，懸崖鑿破碧雲天。  
因探幽壑頻攜酒，爲渡秦梁緩住鞭。  
石室月臨疑白晝，澗花雨過濕紅泉。  
依欄閒話東巡事，半壁斜陽咫尺連。  
仙風習習滌凡襟，小酌山頭對晚林。  
但許騷壇聯雅社，豈容俗態結知音。  
峯高自有凌霄勢，天遠空懸捧日心。  
醉後小童呼不起，枕雲抱月臥遙岑。

原韻

邑廩生 魏篤

見說山公載酒邀，雙鳬駐處興偏遙。  
秦雲作勢飛魁閣，聖水無波靜石橋。  
古栢參天蒸蔚翠，危樓拔地矗嵒崑。  
偶臨絕頂開筵坐，仙語凌風送玉簫。



文壇雄勢壯麟臺獨峙西風長碧苔梵磬聲中闐  
鳥語禪房香處見花開平分秋月寒潭貯暗引清  
泉活水來伊洛風規知未遠不堪斷碣臥蒿萊

山南有程  
夫子碑

東巡軼事說年年避暑空留此洞天峭壁雲封彌  
勒座懸崖目送牧童鞭仙基錯落迷松徑鐘乳丁  
東點石泉輦玉鑪香猶在否炊煙一帶夕陽連

憑臨絕頂豁胸襟一抹煙霞淡遠林石斷秦梁埋  
赤土泉流聖水瀉清音披圖不羨吳生畫悟道無  
如靜者心回首層巒頻指點青天一握接遙岑

重九登金山

王發越



一官匏繫幾經秋快意登高憶舊遊  
逕仍聞黃葉寺拍肩共上夕陽樓  
疎籬把酒花同醉老衲談經石點頭  
且向東山稱傲吏西風落帽自風流  
蕭蕭落葉響山亭石徑崎嶇已慣經  
出岫閒雲低入座懸崖翠柏疊開屏  
汀蘆如雪猶含白隴麥凝霜未了青  
何處泉聲音浙瀝禪心端好靜中聽  
攀蘿捫薛不辭勞絕頂憑臨眼界高  
萬里雲橫排雁陣半崖風冷捲松濤  
漫題紅葉詩初就笑問青天首自搔  
呼吸可能通帝座飛觴且共劈霜螯  
空亭興廢不知年隨意經營別有緣  
簪菊詩開今



曰社掃苔石認舊時聯村連豬水明斜照路指秦  
橋淡晚煙一片深情慙父老山穀野藪樂陶然

恭步英齋父師重九登金山原韻

庠生

魏杰之

霜風吹老御梨秋又遇重陽約舊遊延客復尋紅  
葉寺攜罇共上白雲樓茶烹玉茗無雙品菊折寒  
花第一頭肄業當年成幻夢飛泉依舊自空流

密雨如絲挂石亭亭中老衲閱金經爐烟繚繞香  
盈袖雲樹蒼茫錦列屏歌罷神凝秋水碧詩成韻  
度暮峯青瑤琴一曲通禪院細按水絃取次聽



芒鞋踏破莫辭勞  
鎮日登臨雅興高  
數著殘茶傾菊酒  
一聲長嘯和松濤  
征鴻避月青霄喚  
山與芽雲白髮搔  
徙依溪澗情未已  
閒憑石檻釣霜螯  
荏苒光陰數十年  
素心從不染塵緣  
聊將薄宴酬佳節  
愧乏新詞續舊聯  
桑落杯擎仙掌露  
茱萸囊挂夕陽煙  
地隣彭澤知非遠  
舒嘯東臯共粲然

原韻

魏 篤

瞥眼雲山又閱秋  
茶鐙檢點憶同遊  
關心節屈重陽日  
注意高登百尺樓  
漉酒伊誰香滿袖  
看花讓我菊簪頭  
興來且步登高句  
休說山陽第一流



石髮蒼蒼上碧亭丹崖翠嶂幾回經  
萸囊細結聯詩友錦壁高題作畫屏  
瀦水霜華橫岸白麟臺蔓草映遙青  
飛鴻一陣啼聲晚雜入流泉細細聽  
每探竒絕已忘勞歌入五雲逸興高  
雨霽桃園餘夕照風吹檜影漲秋濤  
桑麻到眼情何愜痛癢關心首自搔  
隨意酩酊延父老分餐且與煮霜螯  
新亭尚憶落成年別有幽情遠俗緣  
篆額初題名士字簷頭舊帶雅人聯  
撐開魯右千家月鎖住曹南萬井煙  
遺愛猶誇棠蔭茂登臨幾輩樂陶然

登金山恭謁

泰山行宮

道光戊戌三月旣望



知縣黃維翰少棠

大野茫茫似砥然一峯突兀起平田自來登岱宜

三月

泰山惟三月香火最盛宰東阿時每歲於是時得以遊覽

今又行宮別一

天麟澤秀靈誇此地鴻泥爪跡記當年

丁亥北上曾過此

新來不識民安未凭檻貪看萬戶煙

都人自古被絃歌

古武城地

到底鄉村氣象和雨足一

犁酣翠麥

先一日大雨

雲連萬騎擁山坡

會中馬匹最多

崔符

患淨三句提

邑素多盜到任匝月四境肅然

仙殿恩承兩地多

前任

東阿少岱山三月亦有泰山行宮香會

我欲乞靈先自質願持清白

屏羣苛



有以原韻就正者復作此示之

詎比尋常覽勝然藉從高處望原田萬家眼底環

憂樂一色晴空混地天長此行雲分岱麓禱雨值轍應

儂到日恰豐年我來本爲民祈福那得閒看洞口

煙山側有秦皇避暑洞邑中八景秦洞煙霞其一也時公事匆匆未便遊覽

竭來一道匪興歌爭說新官政尚和吏豈能僂聊

免俗山皆成市喜盈山皆客商買賣棚廠漫期觀稼三秋

好岩畔有觀先覺負民一月多接篆後適大憲按

民事未遑就理願進來遊諸大衆備詢今政有無苛

再示士民仍用前韻



扶攜老幼冬紛然底事遊觀曠厥田幾見做人資  
佛力亟宜歸業趁晴天從來生計爭三月負此春  
光便一年要識神仙能福爾須憑善氣兆祥煙  
敢希虞詡宰朝歌錯節盤根氣愈和厲俗勉先去  
莠稂崇儒願興到鑾坡地當繁劇才方絀官怕勤  
能枉更多却有數端堪共質不貪不酷不煩苛

已亥秋邑中穀穗多屬雙歧土人不知爲瑞物  
與凡穀同斂蹂殆盡嗣畢生金鑾等見而異  
之檢呈到縣茲各紳士相率獻詩歌咏其事  
余心恧然爰成二律以志愧兼示士民



知縣 黃維翰 少棠

邑近

皇歲吉事多遊麟棲鳳又嘉禾

邑為春秋西狩獲麟之地雍正十年六月民李

姓家牛復產一麟今經詳

奏有案又順治元年

三月有大鳥身被五彩萬鳥從之集於縣境之北

隅土人於其地建

有落鳳臺現存

再三瑞應無如穀百四年來復

此歌

康熙三十餘年間前章令任此時曾神護良

苗先去

縣境多淫逐年蝗患不絕即去歲亦躬

葉人以

種鋤非類合降魔

鄉愚素多惑於邪教自

為異

經各上憲疊次懲創即去歲奉文查辦兼以三

令五申愷切曉諭今已全境潤清故宜有此徵應

分明者是蒼生福底事與人說政和



十九疫難第一鄉

邑爲東省十九苦  
缺中之第一缺

官庸全仗歲

豐穰天容吏俗偏連稔

抵任兩年  
俱大熟

勞不民災轉告

祥夏秋雨澤過多紀異快登新柱史

現修縣志捫心終

愧古漁陽須知協穗猶餘事畢竟休徵是雨暘

步少棠四兄明府穀穗雙歧詩原韻

東平州知州進士

楊燿東垣

次公治蹟口碑多又是雙歧報瑞禾同穎書祥符

信史屢豐誌慶譜新歌鳴琴畫靜饒吟癖判牘宵

深敵睡魔異政堪如龔渤海最難歲稔更民和

大野傳聞古水鄉欣看星兆卜金穰政如樹穀方



金華縣志  
卷一  
成熟字製嘉禾大吉祥爲頌風清同夏國相欽心  
潔比秋陽今春並穗天宜麥料得棠坼協雨暘

原韻

星沙  
馮傳藻  
麗山

化被麟川善績多雙歧瑞應兆嘉禾逢年喜洽興  
情頌報最行看

帝用歌去害已先淨餘孽反經從此伏羣魔醴泉甘露  
渾閒事爭得千家樂太和

兩載追陪寄此鄉時欽福祉本穰穰代傳治譜原  
庭訓慶到農家更吉祥自古曾聞麟獻異如茲豈  
讓鳳朝陽若疑循吏猶離合試看連年協雨暘



原韻

星沙羅慶燦 星岩

才高理劇惠風多氣到農家又瑞禾賤子素會聆  
治譜先生化已進絃歌勸耕早淨連年孽去莠潛  
消舊日魔不是賢良似循吏怎能感格得天和

遠道相從滯此鄉追隨卜得福穰穰自來本以豐  
爲瑞得此彌徵善降祥麟鳳不須誇秀異夔龍佇  
待燮陰陽星雲景卿渾閒事快睹真如出谷陽

原韻

歲貢劉梅峯

策杖田間聚語多競傳雙穗是嘉禾不圖馮異桑  
榆日忽聽張堪麥秀歌麟澤四年民有母牛刀一



割野無魔平生未肯隨時譽占驗從來屬政和  
不有名賢蒞此鄉豐年誰復記穰穰

聖朝原不誇三瑞吾邑從茲兆百祥秋穫已賡農有慶  
春畊好待律回陽願侯勿替如傷隱歲歲常教協  
雨陽

原韻

邑拔貢田貢稼軒

治本慈仁瑞應多書成手訂補歸禾少棠世伯重修縣志招

貢至署桑田日稅農祥驗梓里風傳麥秀歌俗美

篇宜刪地惠教行舞已息天魔風俗志有地惠一條焚香結教今已

無署名第一黃丞相繼起循聲著政和



共愛神君護此鄉  
蒸黎邀福福穰穰  
中牟奏績徵三異  
上考煩書驗百祥  
雲出無心欣作雨  
春看有脚喜逢陽  
嘉禾紀瑞從今日  
愛畏羣瞻谷是暘

原韻

沛水  
孫式曾

治感神君應瑞多  
雙雙競秀隴中禾  
風披小草羣榮化  
蔭普甘棠一例歌  
蜚蜚消時登大有  
鯨鯢翦盡靖公魔  
歡呼召杜聽民口  
鼓腹熙熙驗太和  
要術農書示六鄉  
籌車俱滿慶金穰  
汪洋雅度人欽式  
醞釀恩膏物北祥  
紅護花邨饒澍雨  
綠耕繡野趁斜陽  
鶯遷定卜魚山早  
亦被休徵協雨暘



原韻

濟寧廩貢生

董子儉

鳳集麟遊未足多宜民實效是嘉禾  
芹宮競獻雙歧頌  
蔀屋旋傳五袴歌  
心上犁鋤先去莠  
田間螟螣豈爲魔  
穗書曾紀元公美也  
自靈臺釀太和

瀕河本號水雲鄉  
召杜來時慶富穰  
瘠土居然成沃土  
慈祥果是致農祥  
休言嘉木皆連理  
可悟丹葵本向陽  
此後張堪莫專美  
年年時雨又時暘

原韻

廩生

卞敦本

花種河陽未足多  
民天畢竟屬嘉禾  
古來幾見雙

歧頌  
今日先騰協穗歌  
教稼咸知遵管術  
後下車



管子螽之  
法曉諭莊民  
以經自不惑妖魔與人愛戴無他語

好把詩成勒政和一時獻詩者甚夥

本屬絃歌學道鄉年來凋敝失豐穰使君蒞任

剛逾歲善政宜民合降祥百瑞最難惟穀麥三遷

待焚是陰陽撫謙更見循良度不說禎符說雨暘

如此祥瑞我侯並不詳報足徵撫謙雅度

原韻

庠生郭浦

麟鳳遺踪未足多最難符應獲嘉禾一從仙吏飛  
鳧至頻聽農夫叱犢歌節凜四知齊往哲教明六  
典息羣魔常披古牒懷循吏幸得躬親沐太和



金華縣志 卷一 名一  
黎庶咸歸樂業鄉休哉比歲慶豐穰事關民命才  
真瑞政洽天和乃上祥筆具三長光邑乘歌成一  
曲續漁陽慈雲那得留續茂歲歲休徵叶雨暘

楊公却金處

解仁里

楊公遺迹未消沉絕世清廉說到今殘塔崔嵬秋  
草碧故城髣髴暮雲深四知卓識堪垂鑑千載芳  
名永作箴昌邑依稀昏夜裏猶聞父老話辭金

彭王釣澤

舉人 姚體備

雄姿未許老漁竿大澤風雲久鬱蟠移足重輕分  
漢楚平心功過問英韓龍顏有約捐梁易雉雠無



情望蜀難豬水不流聲咽處沿隈碧草影漫漫

昌邑故城

優廩生

姚體備

蒼茫烟景晚難分王賀城頭曠夕曛萬古皇天尊  
有德一朝社稷重於君廢宮麥秀渾難記殘牒鴟  
聲邪可聞太甲徂桐終復辟更無人語霍將軍

七言絕句

春日雜興

舊志

宋

王禹偁

兩株桃杏映籬斜  
裝點商州副使家  
何事春風容不得  
和鶯吹折數枝花

宿濟州

舊志

晁端友



寒林殘日欲棲鳥壁裏青燈作有無小雨音音人不寐臥聽羸馬甑殘芻

濟州

新滑

汪元童

新濟州來舊濟州柳門西畔雨三鷗酒邊笑謔消長日弄竹彈絲盡勝流

鉅野道中

合丁共十一首皆舊志

明薛瑄

鉅野茫茫遠際天春風春雨淡春烟河流尚自成陳迹俯仰千秋事渺然

綠陰亭

殷汝孝

花縣幽亭暑氣收古槐高拂露華秋公餘獨自盤



桓坐更喜清陰滿地流

瑞麥

呂成聲

綬綰清風被一同如雲隴麥正茫茫兩歧歌出漁  
陽似不數潘花萬樹紅

嘉禾

弓刀罷處起犁鋤黃茂秋成似錦鋪穎粟雙垂占  
大有野人庚癸不須呼

金山寺

姚黃

半夜盤桓月正圓攀崖直欲覓寒泉  
卽金不盡秋山興權取金鞍當酒錢



遊金山洞

呂成樂

祖龍遺蹟足千古日暮登臨愁若縷  
南眺昌城盡草萊洞中猶滴秦時雨

彭王釣澤

李整世

灣環渡口劍光寒懶上彭王舊釣灘  
壯士成功遭漢網多應忘却把漁竿

題穰芳亭墨妙

金妓謝天香題余為傳奇感而賦此

宋承廕

千古風流事若何穰芳亭畔結絲蘿  
鄧盃對月頻相憶幾曲狂歌未足多

宗侯貞白詩賀產芝步韻謝之



大父曾爲社稷臣先朝雨露百年新瓊芝端爲明  
王瑞何與深山抱璞人

瑞麥嘉禾

宋之周

么魔底事敢揮戈飛輓鱗鱗潄水過不是福田成  
大有甞民其奈脫巾何

前題

宋之黃

東邨瑞麥西邨禾萬姓欣欣發嘯歌共道桂欄真  
土瑞天心爲報善人多

楊公邵金處

合下共十  
一首新增

明薛瑄

誰能介性抱和衷笑却黃金暮夜中千載四知臺



下路蕭蕭松栢有清風

秦洞懷古

陶唐翰

秦王幽洞鎖烟霞青草離離古木斜輦路巢鷺三  
兩箇朝朝啼上墅棠花

遊秦王避暑洞

丁未初夏

陳以遠

南州

偶卜清涼第一峯半天雲影落杯中徘徊石徑思  
前事可惜經營避暑宮

重遊秦皇避暑洞

丁未四月駐防邱  
滿家祠營守備

山

南州

選得名山續舊遊分閒一歇冷如秋洞中玉液垂  
宮壁疑是秦人淚未收



過金山洞

明呂成樂

開洞人傳自祖龍尋幽我輩一相從阿房風雨渾

消歇惆悵空山起暮鐘

春日集飲金山洞

崇禎丙子花朝

陶唐翰

河涇

春水溶溶春草芊醉扶紅袖陟亭巔籠雲石壁高  
千尺直欲捫星撼碧天

劉汝和

太宗

巍巍古洞樹蒼蒼石竅生風宮殿涼避暑仙翁何  
處去空留明月照山房

謝崇獎

酣仙



登山選勝舉流觴人面桃花滿洞芳載酒祇應尋  
我輩相牽詩興與春長

邯鄲妓

倩雲

山花照眼弄春晴風過停鸞數落英眉黛成塵若  
個事霓裳曲總斷腸聲

張其經

振麟

極目春山悲舊遊東南王氣幾曾休聞巒開嶂迎  
涼地祇見白雲綠水流

程允蹈

三或

勞遍層巒鬪曉風逐烟躋眺過溪東飄飄洞口桃



花片飛向壺觴一點紅

觀洞值飲

寄章大維明府

李溫皋

冰姿姑射玉無瑕  
清政蕭然靜不譁  
寒夜思君誰與共  
捲簾雪後看梅花

題章令石署壁

線一信

豈徒原野盡蕭然  
邑宰常聞爨絕烟  
官舍渾如僧舍冷  
此時相見倍相憐

予昔賑饑至鉅丙戌仲秋復以使事之暇重過  
喜其秋稔比戶豐登爲賦一絕

何紳

詩

記



四望郊原百室寧三年重到喜盈盈不期黎庶難  
忘舊勒石山亭紀我名

贈姚伯潔

宮墻四壁久生塵邑宰捐輸薄俸頻更羨賢勞能  
竭力一時殿宇煥然新

丙戌歲謁鉅野縣學宮記事

張爾綸

萬仞宮墻此再新千秋勝事好敷陳琴堂任被春  
風破燒得琉璃蔭聖人

詣

章大猷

李鼎

御書碑亭恭賦



寒泉佳句自 天題應爾賢明必不齊金字暫看  
龍鳳跡幾回神注泮宮西

前題次韻

倪峽

賜來

宸翰自天題亭碣輝煌碧漢齊  
緒澤從今傳勝蹟署齋東畔學宮西

遊金山避暑洞

古洞相傳避暑幽秦王遺跡已千秋  
人工斧鑿如天巧駕海何疑石也愁

壬午九日題金山碧霞宮

章宏



行殿曾爲仙子開懸崖百丈勢崔嵬昇平景象今朝有欣看扶攜老幼來

前題次韻

唐鏞

紫氣氤氲碧殿開歲朝結伴陟崔嵬使君政美人無事欣覩紛紛士女來

題趙縣父平寇

薛心葵 邑人

明府自饒戡亂才壯聲赫業如霆雷無端青氣須臾盡麟閣於今畫圖開

登金山洞

有引合下十

知縣

虞俊

金山洞世傳爲秦時所搆以避暑余適以公務往復登臨見其中堂後寢左右掖庭重門



峻壁皆穿石所成無一土木之工信非秦人  
不能作也先達詠歌其事燦然成秩序因茲  
有感附俚語  
以誌歲月云

始皇避暑石宮開枕上風從方外來青把清陰調  
鼎熱洞雲何日鎖蒼苔

比干廟

薛鴻漸

禾黍離離廟兩楹殷仁千載尚神明可憐滿地無  
心草碧色都疑血染成

彭越墓

烏盡弓藏起禍機梁王那許老青衣至今荒墓秋  
風下過客猶憎野雉飛



遊金山清冷洞

畢蘊樸

夾道巉撐自祖龍來遊盛暑若初冬當年歛怨知  
多少今作麟臺第一峯

觀稼亭

石壁題詩

王璘

此際登臨最上頭山亭古樹望中收桑麻的是農  
家務觀稼由來第一籌

野寺亭中雲影橫相看萬戶最分明琴聲石韻皆  
留古盡入當時勸稼情

前題

魏光緒

雄峙曹南第一山烟疇雨陌自廻環千層石級連



雲樹屈指年來幾度攀

劈開雲徑閃嵒峨四柱亭亭碧漢摩俯視桑麻皆  
到眼常依曲檻聽農歌

前題

魏光緒

翠微深處淨塵埃峭壁層巒四面開最是秋光連  
遠樹田歌一路遣詩來

雨雨風風是太平亭高觀稼倍分明山雲亦解勤  
農意一半微雲一半晴

前題

解峻

旌飛金嶺洞雲開爭看使君觀稼來十二琴絃歸



聖水一雙鳧鳥繞麟台

一番花雨一番新百里休風百里春漫說登高閒

作賦須知仙吏本詩人

麟渡古流

康受鏞

西狩麟來感素王當年繡紱表禎祥欲詢野渡橫  
舟處古樹寒鴉帶夕陽

鳳臺孤峙

何年彩鳳集高臺鳳去臺荒歷劫灰毛羽嚙啗空  
想像梧岡落日自徘徊

昌城烟雨



漢家昌邑故王宮陵谷何從辨隱隆今日蒼荒烟  
雨裏廢興宛在畫圖中

梵塔朝暉

唐塔垂名認永豐桑暎射處一輪紅經聲無韻僧  
無跡野草溪花但鬱葱

蓮池夜月

紅白參差錦繡鄉月明移棹放滄浪不知船在花  
中住只訝沙棠十里香

秦洞雲霞

嬴秦古洞說桃源豈料雲霞又一村若使瓊田致



仙藥停鑾幾度羨雲屯

金山春曉

南國金山湧翠鬟此邦卷石宛同攀緣何預卜豐

穰兆爲有甘霖洗碧山

春會必有雨名洗山雨民卜豐年

漁澤秋澄

英雄俎醢恨長陵漁澤當年未奮興千載淮陰共

佳話釣臺雙峙水冷冷

咏瑞穀

有引

魏承恩

邑侯黃父師治鉅二載有惠政嘗採管子遺

法種穀能令穀茂且避蝗災農獲其法穀

有秀至兩歧者是年果無蝗蝻

敬獻俚言以頌仁慈之化



聖朝奚事談符瑞自有嘉禾兆吉祥異績麟川爭計取  
使君端合是龔黃

爲採東齊管子篇花封百里雉遊田桑陰小憩停  
車望半是微晴半雨天

平陽在昔傳同穎麟邑於今秀兩歧嘉穀渾疑棠

蔭茂爭聽野老口碑詞

邑庠生

李昌綸

柘館堆殘穗兩歧鳴鳩羽拂夕陽遲花村偶駐蒲  
鞭影口授兒童勸課詩

七言律

補



步

葵齋王明府遊金山原韻

七律錄邑庠

王方壻

聞道赤松昨有邀碧霞仙境路非遙攜來謝屐無  
雙齒渡得秦梁第一橋紫氣凌霄雲靉靄嵐光映  
日嶺岩髡披襟石磴塵俱遠何處飛聲弄短簫  
樂山合是素胸襟選得林泉作士林西望麟臺留  
古蹟東聞聖水響清音摩霄古柏千秋色出岫閒  
雲萬里心長笛一聲歸去晚夕陽返照上遙岑

步

英齋王明府九日登金山原韻

七律錄二首



蕭蕭木葉一山秋  
事暇琴堂恆勝遊  
竹杖撥雲尋曲徑  
金樽醉月坐岑樓  
興酣不聞風吹帽  
節晚猶簪菊滿頭  
且喜題糕新得句  
劉郎恐遜此風流  
攜得清風到小亭  
閒調絲竹閱金經  
汲來聖水疑龍井  
座近蒼崖作石屏  
雁過楓林千葉紫  
螢添苔砌一簾青  
倦依僧榻心俱靜  
泉韻悠悠側耳聽







